



TOSHKENT DAVLAT YURIDIK UNIVERSITETI REKTORINING B U Y R U G ' I

02.05.2023

259-tm-son

Talabaga hayfsan e'lon qilish to'g'risida

Bugungi kunda universitetda zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash va klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet rektori buyruqlari, Odob-axloq kodeksi hamda boshqa hujjatlarni buzish holatlari kuzatilmoqda.

Jumladan, Universitet rektorining 2023-yil 3-fevraldagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 60-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabalari 2023-yilning 6-fevralidan 14-apreliga qadar bitiruv malakaviy amaliyot o'tashi belgilangan.

Shuningdek, Universitet rektorining 2023-yil 3-martdagi "Akademik almashinuv dasturi asosida xorijiy oliy ta'lim muassasalarida tahsil olib qaytgan Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 132-tm-son buyrug'iga muvofiq Xalqaro huquq va qiyosiy huquqshunoslik fakultetining ayrim 4-kurs talabalari 2023-yilning 9-martidan 15-mayiga qadar bitiruv malakaviy amaliyot o'tashi belgilangan.

Shuningdek, Universitet rektorining 2023-yil 11-martdagi 142-tm-son buyrug'i bilan Universitet rektorining 2023-yil 3-fevraldagi 60-tm-son buyrug'iga tegishli o'zgartirish kiritilgan.

Universitet rektorining mazkur 60-tm-son buyrug'iga muvofiq bitiruv malakaviy amaliyot rahbarlari talabalarining amaliyot o'tashlarini, ularning amaliyot hisobotlarini o'rnatilgan tartibda rasmiylashtirilishini nazorat qilib, amalga oshirilgan ishlar yuzasidan haftalik ma'lumotlarni O'quv-uslubiy boshqarma Bandlik bo'limiga taqdim etib borish belgilangan.

Bundan tashqari, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat

raqami 2548) 16⁴-bandiga muvofiq talaba bitiruv malakaviy amaliyotni o'tashda bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi hamda OTMdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi shartligi belgilangan.

Ammo, Xalqaro huquq va qiyosiy huquqshunoslik fakultetining ilovada keltirilgan 4-kurs talabalari belgilangan tartibda bitiruv malakaviy amaliyot hisobotlarini o'z vaqtida taqdim qilmagan hamda mazkur holat bo'yicha TDYUdagi amaliyot rahbarlari tomonidan tegishli tartibda bildirgi kiritilgan.

Xalqaro huquq va qiyosiy huquqshunoslik fakultetining ilovada keltirilgan 4-kurs talabalari mazkur harakatlari bilan Universitet rektorining 2023-yil 3-fevraldagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2022/2023-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 60-tm-son (132 va 142-tm-son) buyruqlari, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandiga muvofiq bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi, universitetdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi, shuningdek Toshkent davlat yuridik universiteti Odob-axloq kodeksining 5-moddasi Universitet xodim, talaba va doktorantlari O'zbekiston Respublikasi qonunchiligiga so'zsiz rioya qiladilar hamda o'z xizmat va o'qish majburiyatlarini lavozim yo'riqnomalari, mehnat shartnomalari TDYU Odob-axloq kodeksi qoidalari, Universitet Ichki tartib qoidalari hamda ta'limga oid boshqa me'yoriy hujjatlarga muvofiq bajarishiga oid talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Universitet rektorining 2023-yil 3-fevraldagi 60-tm-son (132 va 142-tm-son) buyruqlari, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandi, Toshkent davlat yuridik universiteti Odob-axloq kodeksining 5-moddasi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Universitet rektorining 2023-yil 3-fevraldagi 60-tm-son (132 va 142-tm-son) buyruqlari, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy

amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandi, Toshkent davlat yuridik universiteti Odob-axloq kodeksining 5-moddasining talablarini buzganligi uchun Xalqaro huquq va qiyosiy huquqshunoslik fakultetining bir guruh 4-kurs talabalariga ilovaga muvofiq hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilishni o'z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



Kelishildi:

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV



Bo'lim boshlig'i

J.AXMEDOV

